

佛說人仙經

輦

三藏經卷之第廿二 佛說人仙經

如是我聞一時佛在那提迦城崑左
 迦精舍中與大眾俱尔時尊者阿難
 獨止一處起如是念我佛世尊先說
 所有諸方諸國及諸城隍所謂蓋誅
 國摩伽陀國迦尸國憍薩羅國蜜吟
 沙國大力士國奔拏國蘇摩國阿說
 迦國嚩帝國俱嚩國半左國嚩蹉國
 戎囉西那國夜嚩那國甘謨惹國等
 而彼諸國所有聲聞已入滅者佛皆
 說彼生於某果報唯彼摩伽陀國所
 有上首諸優婆塞皆已命終彼摩伽
 陀國空廓無人我佛世尊未為宣說
 生於何處是時尊者阿難作是念已
 即出自舍往詣佛所到佛所已偏袒
 右肩右膝著地即以頭面禮世尊足
 任立佛前白世尊言如先所說諸方
 諸國我從佛聞皆已了知乃至從佛
 聞所說法亦悉了知乃至那提迦城
 諸優婆塞所生之處佛亦說已又彼
 那提迦城次有五百優婆塞亦已命

終彼優婆塞善斷三障證須陀洹
 果逆生死流七來人間七生天上了
 若邊際決證菩提又彼那提迦城復
 有三百優婆塞亦次命終彼優婆塞
 亦斷三障及貪瞋癡一來人間了若
 邊際證斯陀含果又彼那提迦城有
 二百五十優婆塞復次命終彼優婆
 塞能斷五種煩惱及隨煩惱證阿那
 含果不還人間不復輪轉如是等事
 亦悉了知唯獨摩伽陀國所有諸上
 首優婆塞命終之後摩伽陀國空廓
 無人云何世尊獨不說彼諸優婆塞
 所生之處唯願世尊為我宣說摩伽
 陀國諸優婆塞今生何處所修行業
 得何果報世尊又彼摩伽陀國頻婆
 娑羅王一意向佛知於正法及奉僧
 伽盡於壽命常念不忘命終之後國
 中人民咸讚王德作如是言此是法
 王願此法王生於善世獲取勝樂世
 尊云何未說彼王所生之處及心所
 願乃至果位唯願世尊一一宣說又
 復白言世尊彼摩伽陀國乃是我佛
 成正覺地取勝無比而此勝地是王
 為主唯願世尊為說生處

佛說人仙經 第三卷

尔時世尊受阿難請已默然而住時
 尊者阿難見佛默然即知受請便以
 頭面禮世尊足還於本處
 尔時世尊過夜分已至於來晨食時
 著衣執持應器入那提迦城次行乞
 食得品饌已還於本處收衣洗足敷
 座而食餅食訖已而暫經行復還本
 座觀察阿難所問摩伽陀國王及諸
 優婆塞此處滅已當生何處以何行
 願得何果報作是觀時以佛神通於
 虛空中有聲稱名世尊我是人仙善
 逝我是人仙尔時世尊聞空聲已即
 從座起往聲聞處彼聲聞眾圍繞而
 坐阿難尊者來詣佛所偏袒右肩禮
 世尊足任立佛前而白佛言世尊何
 因何緣倍常適悅
 尔時世尊告阿難言如汝所請為摩
 伽陀國頻婆娑羅王及諸優婆塞此
 處滅已當生何處以何行願得何果
 報我以此義說時未至示同世間憶
 念而住過是夜分至於食時入城乞
 食迴還本處食訖經行復還本座以
 汝所問說時已至憶念觀察彼摩伽

佛說人仙經 第三卷 輦

陀國王及諸優婆塞死此生彼行願果報如是之次以我神通於虛空中有聲稱言世尊我是人仙善逝我是人仙佛復告言阿難汝於往昔聞有如是名否阿難自言世尊未聞有是名者我聞此名身毛喜豎尊者阿難說是語次又聞空中聲曰世尊我是頻婆娑羅王善逝我是頻婆娑羅王我今向佛二三稱說名字族氏世尊往昔人仙命終之後生於人間得為人王證須陀洹果今第七生生毗沙門宮為天王子亦名人仙世尊我為毗沙門天王之子善能了知佛所說法微妙寂靜安樂之句當來證得斯陀舍果佛即讚言善哉善哉而汝人仙甚善甚善汝能如是行無放逸先於何處以何因緣而能獲得須陀洹果人仙答言我別無因亦別無緣唯知佛法微妙寂勝深信奉行乃證初果又復自言世尊我受持國天王命往彼南方增長天王處由是見知我佛世尊在嶼左邊精舍獨處堂中觀察摩伽陀國王及諸優婆塞從此處

滅生於何處以何行願得何果報如是等事我佛欲說世尊我從父王毗沙門所親聞是事憶持不忘是故我今正以此緣來詣佛所欲說斯事佛言人仙今正是時汝當廣說是時人仙承佛聖旨而白佛言世尊一時我聞父毗沙門天告於眾言汝等聖者當一心聽我於往昔在三十三天說法勝會諸天皆集及護世天亦在彼會各處本方持國天王處於東方面西而坐增長天王處於南方面北而坐廣目天王處於西方面東而坐我處北方面南而坐諸聽法眾坐護世前是時諸天及護世等皆為聽法來赴勝會既聞法已欲還本宮忽有大光普照勝會諸天光明映蔽不現爾時帝釋天主告諸天言汝等當知今此大光普照勝會使我諸天光明色相映蔽不現是故汝等當知非久大梵天王來此會中於意云何大梵天王凡所行處先現祥瑞汝諸天等勿起本座知彼何緣現此光明時諸天眾及護世天白帝釋言我等承命

未起本座乃至了知所現光明時大梵王以童子形於彼勝會忽然出現頭有五髻色相具足於彼會中即便說偈告諸天曰汝歸佛世尊世間為眼目善說微妙法令得寂靜句汝等諸天眾威力大色相因持佛梵行由是生天界復有淨行者具色壽名稱是大智佛子非久生此界天眾聞是語心生大歡喜歸依佛世尊信法中妙法梵王說偈時具五種妙音甚深如雲雷聞者樂真實大梵天王說偈之時具五種妙音所謂大梵音迦陵頻伽音大鼓音大雷音及愛樂音等又彼梵王於勝會中攝童子形復現大身於意云何大梵天王隨眾心樂而現其身所現大身有二種德具大色相普聞名稱譬如黃金有二種德謂色及名大梵天王於天眾中二種顯現亦復如是又復梵王到勝會時會中天眾不起本座亦不作禮時彼天眾合掌而住各起所念嗚呼娑婆世界主大梵天王於此會前以所現身復現大身是時梵王知

天衆心於大身中倍復現大於彼勝會上虛空中跏趺而坐譬大力士於地而坐大梵天王亦復如是

尔時大梵天王復告天衆所現大身是四神足力准佛世尊悉知悉見能說能修亦復能現是故汝等亦當誠心修彼神足乃至現通作大利益四神足者謂欲勤心慧是時天衆又復心念嗚呼大梵天王願化我等天衆一一皆如梵天王身一一梵天懷中坐一天王尔時大梵天王知天衆心即以神力攝諸天身化梵王身各於懷中坐一天王是彼天衆所有心念皆悉滿足獲大安樂譬如刹帝利王受父灌頂而紹王位心念滿足獲大安樂彼諸天衆亦復如是

尔時大梵復告天衆汝等諸天及護世等當一心聽諸聖者准佛如來正等正覺於四神足能廣宣說能久修習能大變現是故汝等當發誠心應勤修習自在變現作大利益是時梵王懷中所坐天王各生疑念准有一大梵王我坐懷中云何言時諸天皆

佛說人仙經 第七卷 華

言若彼默時諸天亦默又帝釋天主起如是念嗚呼大梵天王願攝我等天衆本形變一大身坐我懷中時大梵王知帝釋念攝天衆形現一大身帝釋懷中跏趺而坐大梵天王當以如是神足之力種種變現作化事已又復告彼諸天及護世等我佛世尊以此四神足力及聲聞法先所化度者即摩伽陀國八万優婆塞善斷三障盡苦邊際證須陀洹果於天上人間七返往來有生他化自在天者有生化樂天者有生三十三天者有生四王天者有生人間刹帝利王宮者有生上首大婆羅門家有生上首大長者家又復諸天衆等有思念者嗚呼云何能得四佛出現於世復有思念嗚呼云何能得八佛出現於世大梵天王知彼天衆心之所念而復告言汝等天衆莫作是念思欲四佛出現於世乃至八佛出現於世是義不然汝等當知我從佛聞無有二佛同出於世何有四佛八佛同出世耶汝等但願我佛世尊無漏之體壽

佛說人仙經 第八卷 華

命增長久住世間時彼諸天又復作念大梵天王云何一一實知我心彼諸天等即生驚怖心懷愁惱時大梵王告彼衆言汝諸天衆及護世等一心諦聽如來應供正等正覺宣說一乘法令諸衆生遠離憂悲苦惱皆得清淨證真實理又復告言有三種法如來悉知何名三種所謂有人先作身不善業意不善行後因親近善友聽聞妙法繫念思惟斷身不善造身善業斷意不善行意善行是人樂中生樂悅意中復生悅意譬如有人於喜生喜喜復生喜彼人悅樂亦復如是此謂第一種法復次有人先受五慾作不善業後親善友聽聞妙法繫念思惟棄於慾樂亦復不造諸不善業是人樂中生樂悅意中復生悅意譬如有人喜中生喜喜復生喜悅樂法者亦復如是此謂第二種法復次有人於不善法如實了知亦於善法如實了知乃至苦集滅道亦如實知後復親近善友於不善法及諸善法乃至苦集滅道於是諸法倍

佛說人仙經 第九卷 華

復精曉是人樂中生樂於悅意中復
生悅意譬如有人喜中生喜喜復生
喜悅樂法者亦復如是此謂第三種
法復次大梵天王又告諸天及護世
等諸聖者當一心聽有四種法彼佛
世尊悉知悉見何者為四謂身受心
法如來以慧觀是四法若內若外如
實了知智慧現行修習圓滿善說善
提一乘正法令諸衆生咸得清淨離
憂悲苦惱證妙法理

復次大梵天王又告諸天及護世等
言諸聖者當一心聽有八正道法彼
佛如來應供正等正覺悉知悉見何
等為八謂正見正思惟正語正業正
命正精進正念正定如是八正道即
是三摩地受用法若有如是得正思
惟行於梵行修習圓滿獲梵天樂又
復正語正一切言滿一切相正說梵
行分別顯教得如實旨宣說正語開
甘露門示一乘法令諸衆生咸得清
淨離憂悲苦惱證妙法理
爾時人仙白佛言世尊如我所說種
種法要皆是大梵天王於帝釋宮為

佛說人仙經

第三卷

第七

三十三天及四護世諸天衆等如是
宣說我父毗沙門天王迴還本宮為
我宣說我悉記憶無所忘失今承如
來大威力故為尊者阿難欲知頻婆
娑羅王所生所滅行願果報我今對
佛如實宣說佛即讚言善哉善哉汝
能善說

爾時人仙說是法已阿難尊者及諸
會衆得聞是法歡喜信受禮佛而退

佛說人仙經

乙巳歲高麗國大藏都監奉
勅雕造

佛說人仙經

第三卷

第七

佛說人仙經

校勘記

- 一 底本，麗藏本。
- 一 八九八頁上一行經名，石作「佛說人仙經一卷」。卷末經名同。
- 一 八九八頁上二行譯者，[資]、[磧]、[普]、[南]作「西天譯經三藏朝散大夫試光祿卿明教大師臣法賢奉詔譯」；[徑]、[清]作「宋西天譯經三藏朝散大夫試光祿卿明教大師法賢奉詔譯」。
- 一 八九八頁中二三行「而此」，[磧]、[普]、[南]作「而此」。
- 一 八九九頁下七行第二字「持」，[徑]作「特」。
- 一 八九九頁下一七行第三字「德」，[磧]、[普]、[南]、[徑]、[清]作「福」。